



賀漢唐詩歌國際研討會在首都師大召開

賀漢唐詩歌國際研討會在首都師大召開

葛景春

漢祖暢懷唱大風，謫仙仗劍放歌行。
漢風唐韻流千古，四海仰名朝鳳城。

2004年8月

登密雲金山嶺長城有感三首

葛景春

萬裏長城曲又彎，修修補補幾千年。
爭來殺去隔難斷，只留殘垣夕照間。

秦代築城漢設關，難攔胡馬度燕山。
千年耗盡黎民力，今日徒然作景觀。

邊防萬里衛河山，何用長城百仞堅。
國之幹城在何處？築於千萬健兒肩。

2004年8月

甲申秋日中古文學學術研討會上聞石川忠久教授誦詩後作

京華論學有嘉鄰，幾日南村數夕辰。
共賞奇文析疑義，更從佳句感情真。

香港 劉衛林

東籬采菊近芳辰，詩膽文心各具真。
不信江湖成契闊，漢關唐月本為鄰。

香港 朱少璋

次少璋兄會上所賦大作

劉衛林

屬文斯夕得斯辰，筆底風流字字真。
詩思縱橫知莫逮，願能卜宅再為鄰。

奉和劉兄

朱少璋

南山卜宅想良辰，筆下風流認未真。
薄恨黃花難入句，一簾秋色嫁東鄰。

再和少璋兄

劉衛林

又從筆下認芳辰，佳句吟成意最真。
雖未南村能卜宅，素心人幸作毗鄰。

甲申秋日中古文學學術研討會後有感步石川教授原玉

八方英彥喜為鄰，振道宏文幾度辰。
漢賦唐詩相論辯，滔滔灑灑見情真。

香港 韋金滿

www.poetry-cn.com

中国诗歌网版权所有

转载文章请注明出自中国诗歌网